

黃氏逸書考

薛瑩漢後記序

史通謂范書亦有藍本凡編年四族紀傳五  
家以九家後漢書而成今後漢書一家之書  
安得不體大思精顧一書成而九書亡幸  
彥伯後漢紀尙在人間司馬紹統續漢書紀  
傳雖亡其志固在今范書中范志原屬謝宣  
遠范敗謝遂蠟以覆車是范無志而司馬有  
志不可謂亡班孟堅等東觀漢紀

范書班固傳固與雖

陽合陳宗等共成世祖本紀固又自撰列傳  
載記二十八篇事在明帝至鄧太后始詔劉

薛瑩漢後記序

珍與劉驥駮作建武以來名臣傳珍未嘗爲  
長水校尉史通亦云安帝詔史官謁者侯射  
劉珍據此可悟隋志列長賴永樂大典居然  
水校尉劉珍等首撰之非賴永樂大典居然  
得廿四卷孫詒穀增輯謝偉平後漢書五卷  
是皆爲姚侍御後漢書補逸補者所不存于  
今僅張璠漢記謝靜思華叔駿袁山松二後  
漢書及此漢後記五種耳薛道言相傳孟嘗  
君後以封薛故雖不可知固沛郡竹邑人吳  
選曹尚書敬文之子也敬文著數萬言道言  
三世傳東宮纂蹈允有先風故于右國史下

獄時華覈疏薦至謂丁孚項峻始撰吳書少  
帝更差韋曜周昭薛瑩梁廣及臣五人瑩出  
爲將復以過徙迄未撰奏同寮之中瑩爲冠  
首云云遂召還爲左國史吳書卽不得見其  
深于史學可知惟本志不言有後漢書當是  
私撰惜乎吳亡入晉降表竟出其手新議八  
篇雖多奚爲且終晉亦不過散騎常侍何嘗  
不在吳爲散騎中常侍且亦遷選曹尙書矣  
袁彥伯後漢記於司馬兩謝華張之書無不

綴會而獨遺此豈無說乎其不題名後漢書  
者余秘書表曰瑩作漢後記百卷今姑從之  
道光辛丑中秋甘泉黃奭右原

附姚之駟原序

瑩字道言吳薛綜之子其所纂蹈允有先風  
涉學既博文章尤雋吳少帝命韋曜周昭梁  
廣華覈及瑩五人共撰吳書同寮之中瑩爲  
冠首吳亡後歸司馬氏官散騎常侍著書八  
篇名曰新議其所著漢書當是私作故吳志

本傳不載余靖

作漢後記百卷今他

本直云後漢書也瑩書大半弗存未經拂耳  
瞥目然讀世祖及顯宗二論波屬雲委瀕瀚  
蒼鬱洵良史手他稱是矣袁彥伯竟未採汲  
何耶

字史鈞沈

逸書考

薛瑩漢後書

甘泉黃恩掄

光武

王莽之際天下雲亂英雄並發其跨州據郡  
僭制者多矣人皆有冀於非望然考其聰明  
仁勇自無光武儔也加以寬博容納計慮如  
神是以任光竇融望風景附馬援一見覩顏  
識奇故能以十數年間掃除羣凶清復海內  
豈非天人之所輔贊哉古者師不內御而光

武命將皆受以方畧使奉圖而進其有違失無不折傷意豈文史之過乎不然雖聖人其猶病諸藝文十二御覽九十引加以寬博容納作宏寬博納惠棟後漢書補注一同初學記九引光武寬容博納計慮如神是以任光竇融望風附影也

### 明帝

明帝自在儲宮而聰允之德著矣及臨萬機以身率禮恭奉遺業一以貫之雖夏啟周成繼體持統無以加焉是以海內乂安四夷賓服斷獄希少有治平之風號曰顯宗



平惠氏後漢書補注二同書鈔二十二引  
聽允之德又十五引海內又安

### 章帝

章帝北巡下長平御池陽宮東至高陵造舟  
至於涇而還

初學記六

章帝以繼世承平天下無事敬奉神明友于  
兄弟息省徭賦紓靜兆民除苛法蠲禁錮抑  
有仁賢之風矣是以陰陽協和而百姓安樂  
衆瑞並集不可勝載考之圖籍有徵云爾

御覽

九十一 惠氏後漢書補注二書鈔十五引經  
靜兆民

安帝

安帝之初委政太后十有餘年及親萬機  
邪始進闕官用事寵加私愛阿母王聖熱  
朝廷遂樹姦黨搖動儲副山陵未范蕭牆  
難兵交禁省社稷殆危

御覽九十一 惠氏後漢書補注三

桓帝

漢德之衰有自來矣而桓帝繼之以淫暴封  
殖宦豎羣妖滿側奸黨彌興賢良被辜政荒

民散亡徵漸積逮至靈帝遂傾四海豈不痛哉左傳曰國于天地有與立焉不數世淫不能弊也信矣

御覽九十二惠氏後漢書補注三

### 靈帝

靈帝光和元年虹晝見御所居崇德後殿前庭中色青赤

初學記一

靈帝光和五年校獵廣成苑

初學記二十四

靈帝光和六年冬北海東萊瑯邪井冰厚丈

餘

初學記七御覽六十八

漢氏中興至於延平而世業損矣沖質短祚  
孝桓無嗣母后稱制奸臣執政孝靈以支庶  
而登至尊由藩侯而紹皇統不恤宗緒不祇  
天命上虧三光之明下傷億兆之望於時爵  
服橫流官以賄成自公侯卿士降下卑隸遷  
官襲級無不以貨刑戮無辜摧仆忠賢佞諛  
在側直言不聞是以賢智退而窮處忠良擯  
於下位遂至姦邪蜂起法防隳壞夷狄並侵  
盜賊糜沸小者帶城邑大者連州郡編戶騷

勤人人思亂當斯之時已無天子矣會靈帝  
卽世則禍尋其後宮室焚滅郊社無主危自  
上起覃及華夏使京室爲墟海內蕭條豈不  
痛哉御覽九十二惠氏後漢書補注四引帶  
城邑作吞城邑騷動作擾動書鈔四十一  
一引編戶騷動天下思亂又引宮室爲墟

### 王霸

光武至薊上王郎使兵至上發薊晨夜馳騫  
至下曲陽滹沱河導吏還言河流漸無船不  
可渡遣王霸往視實然霸念恐驚衆卽還曰

冰牢可渡比至冰可乘帝遂得至滹沱河

初學

記十御覽六十八引使兵作使者曲陽上無上字冰牢作冰堅末作帝遂得渡

### 馬防

上以太常樂丞鮑鄴等上樂事下車騎將軍馬防防奏言建初二年七月鄴上言王者飲食必道須四時五味故有食舉之樂所以順天地養神明求福應也移風易俗莫善于樂樂者天地之和不可久廢今官樂但有太簇皆不應月律可作十二月均各應其月氣乃

能感天地和氣宜應明帝始令靈臺六律候而未設其門樂經曰十二月行之所以宣氣豐物也月開斗建之門而奏歌其律誠宜施行願與待詔服崇及能作樂器者共作治考工給所當詔下太常太常上言作樂器直錢百四十六萬請太僕作成上奏寢今明詔下臣防臣輒問鄴及待詔知音律者皆言聖人作樂所以宣氣致和順陰陽也臣愚以爲可順上天之明待因歲首令正發太簇之律奏

雅頌之音以立太平以迎和氣其條貫甚備  
詔書以防言下三公

續漢書律歷志上注

李膺

李膺字元禮潁川襄城人抗志清妙有文武  
儁才遷司隸校尉爲黨事自殺

世說德行篇注

八俊

李膺王暢荀緄朱寓魏朗劉祐杜楷趙典爲

八俊

世說品藻篇注

白波賊



黃巾郭泰等起於西河白波谷時謂之白波  
賊後漢書獻帝紀注惠氏補注引白波賊賊  
又作鎮

華嶠漢後書序

本傳以嶠有良史之志治禮音律天文數術  
南省文章門下撰集皆典統之初嶠以漢紀  
煩穢慨然有改作之意會爲臺郎得偏觀秘  
籍遂就其緒起于光武終於孝獻一百九十  
五年爲帝紀十二卷皇后紀二卷十典九卷  
傳七十卷及三譜序傳目錄凡九十七卷嶠  
以皇后配天作合前史作外戚傳以繼末編  
非其義也故易爲皇后紀以次帝紀又改志

爲典以有堯典故也而改名漢後書奏之詔  
朝臣會議時中書監荀勗令和嶠太常張華  
侍中王濟咸以嶠文質事核有遷固之規實  
錄之風藏之秘府後太尉汝南王亮司空衛  
瓘爲東宮傅列上通講事遂施行所撰書十  
典未成而終秘書監何劭奏嶠中子徹爲佐  
著作郎使踵成之未竟而卒後監繆徽又奏  
嶠少子暢爲佐著作郎克成十典永嘉喪亂  
嶠書存者五一作十餘卷晉書班班可考如

是而姚侍御乃遠引叔駿集所載詔語及謝表以爲旁證卽其集序亦止嶠作後漢書百卷一語視本傳多三卷爲資互考其司馬諸公贊與集序同稱後漢書自有所本若余靖云嶠剛定東觀記爲漢後書九十七篇正合本傳非別有考也豈有侍御而不一檢本傳者乎叔駿平原高唐人魏太尉歆子魚孫晉太常卿表偉容子封樂鄉侯遷尚書所著論議難駁詩賦之屬數十萬言今范書論贊微

華嶠漢後書序

章懷之注誰復知襲華書而有非僅章懷一  
注所能證出者姚本誠不如章逢之孝廉重  
輯本之詳然猶必過而存之者莫爲之前雖  
美弗彰抑又聞之嶠少子暢在史官并艸魏  
晉紀傳侍御當日何不編附于其父書之後  
不更大觀歟然而非補逸漢書者所當從事  
矣

道光辛丑小陽月甘泉黃爽右原

附姚之駟原序

案華叔駿集載詔語曰亭侯嶠體素弘簡文學該通著書實錄有良史之志故轉爲秘書監其加散騎常侍凡著作禮儀音律天文數術南省文章門下撰集皆典統之嶠謝表云劉向父子世典史籍馬融博通三入東觀非臣庸賤所敢擬跡則當時之推重可知矣嶠集序云嶠作後漢書百卷張華等稱其有良史之才足以繼跡遷固乃藏之秘府與三史並流司馬諸公贊曰嶠字叔駿有才學

漢書世稱爲良史則當時後漢書之推重又可知此編不知亡自何時吳博士表不言其遺逸蓋已不復知有華書矣余靖云嶠刪定東觀記爲漢後書九十七篇應別有考今范書多採拾其緒餘至於小論或全襲用蔚宗其亦服膺斯編乎微章懷注之則掠美者勝矣嶠垂表之子歆之孫也

子史鈎沉

逸書考

華嶠後漢書注

甘泉黃奭學

明帝

世祖既以吏事自嬰帝尤任文法總攬威柄  
權不借下值天下初定四民樂業戶口衣食  
滋植斷獄號居前世之十二中興已來追蹤  
宣帝夫以鍾離意之廉法諫諍懇懇以寬和  
爲首以此推之亦難以德言者也

御覽九十  
一又藝文

十二引帝尤任文法帝上有明字戶口下無  
衣食二字

滋植下無斷獄九字宣帝下無夫



字廉法作廉淳以寬和上有常字以此推之  
下作難得而言也案宣帝宣字當作先

館陶公主爲子求郎不許賜錢千萬明帝謂

羣臣曰夫郎中上應列宿出居百里苟非其

人則民受其殃書鈔六十又初學記十一引  
無夫字列宿下無出居百里

苟五字又御覽二百十五引同初學記

帝自制五行章句後漢書桓榮傳注范書帝  
自注五家要說令郁核定

於宣明殿案郁謂桓郁

明帝至長安迎取飛廉并銅馬置上西門平

樂觀文選張平子東京賦注

靈帝

靈帝時遂使鈞盾令宋典繕治南宮又使掖  
庭令畢嵐鑄銅人四列於蒼龍玄武闕又鑄  
四鍾皆受二千斛懸於堂及雲臺殿殿前又  
鑄天祿蝦蟆吐水渴烏施於橋西用灑南北  
郊路以省百姓灑南道之費藝文八十四又  
御覽八百十三  
引靈帝時使掖庭令畢嵐鑄銅人四列於蒼  
龍玄武闕外又引修玉堂殿鑄銅人四黃鍾  
四及天祿蝦蟆又鑄四出文錢

元和

當作  
光和

元年遂置鴻都學畫孔子及七十

二弟子像其諸生皆勅州郡三公舉用辟召  
或出刺太守入爲尙書侍中乃有封侯賜爵

者士君子皆恥與爲列

御覽二百一又文選任彥升爲范尙書

吏部封侯第一表注引元和元年置鴻都門學下卽接其諸生云云出刺作出爲未有焉字元和亦誤

帝於平樂觀下起火壇上建十二重五采華  
蓋高十丈壇東北爲小壇復建九重華蓋高  
九丈列奇兵騎士數萬人天子住大蓋禮畢  
天子躬擐甲稱無上將軍行陣三匝而還設

秘戲以示遠人

惠氏後漢書補注四案袁宏記云中五年十月甲子

上 截耀兵於平樂觀天子親環甲冑卽此事中和誤當作中丞

### 獻帝

李催等大戰弘農百官士卒死者不可勝數

董承密詔白波賊帥李樂等率衆來攻擊催

等大破之乘輿乃得進承夜潛過曰日字先

具舟船爲應帝步出營臨河岸高不得下時

中宮伏德扶中宮一手持十疋絹乃取德絹

連續挽而下餘人匍匐岸側或自投死亡御覽

八百十七又文選潘安仁西征賦注引李匡  
等大戰弘農百官士卒死者不可勝數董承  
率眾擊雎大破之乘輿乃得進承先具冊胎  
帝以絹挽而下餘人匍匐岸側或自投死案  
袁紀云董承以爲宜令劉太陽使李樂夜渡  
舉火爲應上與公卿步出營臨河欲濟岸高  
十餘丈不得下議欲續馬轡繫帝腰時后兄  
伏德扶后一手扶約十四董承使荷令孫儼  
從人問斫后左靈曰御是何等人也以刀打  
之殺后侍者血濺后衣伏德以馬轡不可觀  
邊餘皆匍匐下校尉向弘居前負帝不至河  
壞大木此條及下條蓋御覽等所錄不過  
截引宋紀則據文鈔錄較爲全備又案袁紀  
按絹下四四字是疋字之誤蓋以形近而譌  
耳

## 李獻伏后

孝獻太后興平二年立爲皇后李傕郭汜等  
敗乘輿於曹陽帝乃潛夜渡河走六宮皆步  
行出營后手持縑數疋董承使孫微以刃脅  
奪之殺傍侍者血濺后衣御覽八百十八據  
袁紀孫微當作孫  
微

### 陳愍王寵

陳愍王寵善弩射其秘法以天覆地載參連  
爲奇又有三微三小三微爲經三小爲緯經  
緯相將萬勝之方然要在機牙其射十發十

中中皆同處

書鈔一百二十五陳禹謨補又御覽三百四十八引至十中又

後漢書陳敬三羨傳注引至機牙相將上脫經緯二字

鄧禹

鄧禹字仲華拜大司徒年二十四內文明德

行純備

姚之駟後漢書補逸

鄧禹十三男各令習一藝

御覽七百四十四姚本禹爲司徒天

下既定常欲遠名勢有子十三人各使守一藝案袁紀云禹內文明外溫恭不事產業常欲避權勢有十三男各命通一經本此

李通

李通字文元以讖記說光武爲大司空

初學記十

一又書鈔五十二引無字文元三字案袁宏後漢紀李通字次元

### 臧宮

使張明也

後漢書臧宮傳帝使大中大夫拜宮爲輔威將軍注姚本作宮屢下

郡邑帝使大中大夫張明持節拜宮爲輔威將軍

後漢書臧宮傳建武二年封成安侯明年

將突騎與征虜將軍祭遵擊更始將左防

韋顏注華嶠書韋字作韓

上璽書勞宮賜吏士絳縑六千匹

後漢書臧宮傳注姚



本上璽書上有宮攻延岑悉降其衆八字蓋約范書以補苴也

祭遵

祭遵爲征虜將軍南擊弘農賊弩中遵洞出流血衆見遵傷稍引退遵呼叱止之士卒戰皆自倍遂大破之

書鈔六十四姚本祭遵下有字弟孫建武二年七字

中遵下有口字此作出誤自倍作百倍當從之末有爲人慮深奉公及卒光武歎曰安得憂國奉公如祭征虜者乎二十四字

岑彭

岑彭說降朱鮪遷征南將軍治軍整齊秋毫

無犯

言鈔六十四

陳俊

拜爲疆弩將軍賜絳衣九百領以衣中堅同

心士

後漢書陳俊傳注姚本拜爲上有俊從擊銅馬賊進至滎陽十字蓋約范書以足其文義餘悉同

帝賜璽書曰將軍元勳大著威震青徐兩州

有警得專征之

後漢書陳俊傳注姚本帝賜上有張步兄弟謀反亡歸琅邪俊擒

字案袁紀云張步功賜俊璽書曰將軍元勳討盡誅之上美其功

大著威震青徐兩州有警實得征之本此

馮異

異爲征西大將軍時三輔大亂異討之與赤眉賊會大破於崤底追擊之又大破行巡上書言狀不敢自伐諸將或欲分其功詔云征西功若邱山也

見姚本案功若邱山見袁宏紀

吳漢

漢在朝廷唯公

書鈔五十一案此語有脫誤姚氏謂此語出白帖今唯檢

書鈔有之

賈復

賈復爲執金吾更始郎王尹尊及諸將反上  
召諸將議以檄叩地曰郎最強宛次之復率  
爾對曰臣請擊郎上笑曰執金吾擊郎吾復  
何憂耶 御覽二百三十七

### 王梁

王梁爲野王令

初學記十一

王梁字君嚴拜大司空赤伏符曰王良主衛  
王以野王本衛地徙立武水神司空水土之  
官於是擢拜梁也 初學記十一赤伏符說又  
見爲野王令下徙立武作

作立武又重立武二字末句作於是擢梁爲  
大司空

### 馬成

馬成字君遷拜驍騎將軍北屯常山積數年  
上其勤勞徵歸京師邊民多上書請之上復  
以成撫之 御覽二百三十八

### 馬援

馬援爲隴西太守遇長吏如兄弟委以任之  
書鈔七十四惠氏後漢書補注七引華嬌書  
曰遇長吏如兄弟委以任之北堂書鈔云云  
馬援在河西有穀數萬斛乃歎曰凡殖財者

賈以施也否則守錢虜耳

御覽八百三十七  
案袁紀云援田畜

日廣羊五六千頭馬數百羣穀萬斛乃漢日  
凡殖財者貴以施也不則守錢虜耳乃散以  
賑昆弟故舊本此

### 鄭興

鄭興更始立拜爲諫大夫使安集關西

見姚  
本案

此見范書

### 樊宏

樊宏爲光祿大夫位持進宏爲人謙卑畏慎

不求苟進

書鈔五十六案袁紀宏謙恭畏慎  
不汲汲於官位本此

馮衍

衍祖父立生滿年十七喪父早卒滿生衍後漢書馮衍傳注姚氏曰案東觀稱衍祖卽野王生逵逵生衍范書亦同此恐有誤案後漢書又有注衍之祖馮參惠氏補注八云衍之祖東觀記及本傳皆云野王韋華嶠書以爲馮立則參爲衍從祖也

丹死衍西歸吏以亡軍下司命乘傳逐捕故亡命後漢書馮衍傳注姚本衍說廉丹背莽丹不從而戰死衍西歸後下同亡命下有河東二字

魯恭

劉寬為南陽太守遇民如子未嘗疾言遽色

辟高第至列卿郡守數十人

書鈔五十二姚本司空作司徒

### 劉寬

劉寬為南陽太守遇民如子未嘗疾言遽色

書鈔五十二姚本為南陽太守在遽色下又有  
有以兵種布養蠶織履生民之利十二字

劉寬為南陽太守好為諸生講論經義不嚴

而治書鈔七十五

### 韋彪

韋彪上疏曰欲給民所務當先除其患其原



在尚書典樞機天下事一決之不可不察

藝文

四十八又書鈔五十九引無當先除其患五字次之下有也字無末四字

韋彪上疏曰有楚獄事繁故置尚書令史以

助郎御覽二百十三

朱暉

暉年五十失妻昆弟欲爲繼室暉歎曰時俗

希不以後妻敗家者遂不復娶

後漢書朱暉傳注

桓榮

桓榮爲博士會廷中詔賜奇果受賜果懷之

榮獨舉手奉以拜光武笑指之曰此真儒生

也

御覽九百六十四又書鈔十九引詔賜奇

桓榮字春卿爲太子太傅以太子經學成畢

上疏謝歸道太子以書謝

見姚本

榮以少傅遷太常明帝卽位尊以師禮甚見  
親重拜之乘輿每幸太常府令榮東面坐設  
几杖會百官 見姚本

榮弟子丁鴻學最高

後漢書桓榮傳注

榮長子雍早卒少子郁嗣

後漢書桓榮傳注

桓郁

桓郁字仲恩爲議郎敦厚篤學傳父業以尙書教授門徒常數百人選侍中帝以郁先師子有禮讓甚見親厚常居中論經書問以政事不離左右帝自制五經章句令郁定於宣明殿中

見魏本案五經章句据後漢書桓榮傳注當作五行章句

郁上書乞身天子憂之有詔公卿議議者皆以郁身爲名儒學者之家可許之於是詔郁以侍中行服

後漢書桓郁傳注時郁以母憂乞身

郁六子普延焉俊艷良普嗣侯傳國至曾孫  
絕艷良子孫皆博學有才能

後漢書桓郁傳注

### 樂松

樂松家貧爲郎常獨直宿臺上無被食糟糠

明帝每入臺輒見松問其故而喜之

書鈔三十八又

御覽又曰五十四引樂松家貧爲郎無被食糟自給大官食又書鈔一百七十四陳補引御覽又御覽七百七引樂爲郎獨宿臺上無被帝推被與之

明帝出漏察嘗以事怒郎樂松以杖撞崧崧走入亦卜上怒甚疾言曰郎出郎出崧曰天

子孫諸侯皇皇未聞人君自起撞郎上乃  
赦之禮覽九十一又二百十五引無以杖撞  
無四字走作逕言作呼未作上舍之

伏恭

伏恭 戶太僕帝臨辟雍於行禮中拜恭爲司  
空儒者以爲榮藝文四十七又御覽二百八  
引又書鈔五十二引帝臨辟  
雍於恭爲司空儒者以爲榮

申屠剛

申屠剛爲尚書令時內外羣臣多帝自遷舉  
以法理嚴察職事過苦尚書近臣乃至捶

撰章曳於前羣臣敢言惟剛每極諫御覽二百一

### 陳元

初欲立左氏傳博士范叔以爲左氏淺末不  
宜立陳元聞之乃詣闕上疏爭之更相辯對

凡十餘上帝卒立左氏學

御覽二百三十六姚本首有陳元字

襄孫立字初作時議范叔作范升以爲上言  
奏子立左氏學下有太常選博士四人元爲  
第一十一字案范書作字長孫書鈔引亦作  
長孫此作襄孫疑誤又范叔姚作范升袁紀  
作范疑誤

陳元字長孫以才高著名辟司空宋弘受罪

上書訟之言甚切又敷陳當世便宜事書鈔

入東漢後漢書十引元辟司空掾宋宏受罪

耿秉

耿秉爲人威重有謀畧拜執金吾每行幸秉

恒領宿衛御覽二百三十七

耿秉原諱爲征西將軍出西域秉壯勇

與士簡易鎮撫單于匈奴懷其信書鈔六十

條今合併爲一姚本爲征西將軍上作耿康

字伯初初奴下作與國懷其恩信案秉字伯

初明執范書章和二年拜征西將軍秉性壯

勇而簡易於事亦明載范書則爲耿秉信矣

乃姚氏輒據書鈔訛云竟作耿康豈未一展  
閱范書乎

### 第五倫

蓋延代鮮于褒爲馮翊多非法倫數切諫延

恨之故滯不得舉

後漢書第五倫傳注惠氏補注六引至多非法案袁

紀云蓋延爲京兆尹事多犯法倫數諫爭不合遂沈滯曹吏本此

上復曰聞卿爲市掾人有遺母一笥餅者卿

從外來見之奪母笥探口中餅信乎倫對曰

實無此衆人以臣愚蔽故爲是言也

後漢書第五倫

傳注姚本上復曰作上謂倫曰案袁宏紀云世祖曰爲市掾人有遺卿母一箇餅者卿從



外來見之奪母探口中餅出信有之乎偷曰  
竇無此衆人以臣愚蔽故爲生此語本此

第五倫雖峭直然常以中興以來二主好吏

化俗尚苛刻政化之本宜先以寬和

案袁紀云初光

武勤治孝明好吏事風聲相勸俗頗苛刻司  
空第五倫以爲政化之本宜以寬和爲先本

此及爲三公值章帝長者多恕屢有善政倫

上疏褒稱盛美因以勸化德風也

初學記十一  
一又御覽

二百八引

### 應順

仲華少給事郡縣爲吏清公不發私書舉孝

廉尚書郎轉右丞遷冀州刺史廉直無私遷  
東平相賞罰必信吏不敢犯有梓樹生於廳  
事室上事後母至孝衆以爲孝感之應時竇  
憲出屯河西刺史二千石皆遣子弟奉賂遺  
憲憲敗後咸被繩黜順獨不在其中由是顯

名爲將作大匠視事五年省費億萬

後漢書  
應奉傳

注順奉曾祖父又書鈔五十四引應順爲將  
作大匠發衆奸皆極其刑豪滑吏累迹視事  
五年省費以億萬又御覽二百三十六引應  
順字仲華爲將作大匠發擿衆奸皆極其刑  
下同書鈔吏上有之字案姚本引同書鈔一  
條作應慎後又引應順一條與後漢書注同

又於應慎後注云此疑卽應順之誤不知順  
慎古字通應慎卽應順也此又何疑況陳禹  
謨本書鈔卽作應順故合并爲一

傅昌

傅俊子昌徙封蕪湖侯建初中遭母憂因上  
書以國貧不之封乞錢五萬爲關內侯肅宗  
貶爲關內侯竟不賜錢

御覽二百一  
案范書  
作五十萬

江革

後漢書江革傳江革少夫父獨與母居遭  
天下亂盜賊並起革負母逃難數遇賊或

劫欲將去革涕泣求哀言有老母賊以是不忍犯之或迺指避兵之方注華嶠書曰語以避兵道也

臨淄令楊音高之設特席顯異巨於稠人廣

眾中親奉錢以助供養

後漢書江革傳注時鄉里稱革曰江巨孝

終不報書一無所受

後漢書江革傳注時京師貴戚衛尉馬廖侍中

賣憲各奉書致禮姚本終不報書上有帝於革恩寵有殊京師貴戚各奉書致禮革終不云云恐是以范書補華書也案袁紀亦載革畏慎一無所受

致羊一頭酒二斛

後漢書江革傳注范書元和中天子詔以穀千斛賜

巨...常以八月長吏存問致羊酒案袁紀亦  
獻...羊一頭酒二斛事

### 陳寵

陳寵字昭公以德行明敏入爲尙書寵性周  
密常稱人臣之義苦不畏慎自在樞密謝門  
人不復教授拒知友時賜寵劍得鍛成劍以  
其敦朴 稽學記十一

陳寵爲司空通客以明無所不受論者大之

寵奏議溢粹有智號爲明相

書鈔五十三姚本爲司空下有

府故事...自屬籍不通賓客以防交關寵去籍  
十七...後漢書補注十一引故事督屬

籍不通客以防交關寵去籍通客以明無所不受論者大之

### 劉平

劉平爲令掾令掾吏五日一朝罷門蘭卒署各遣就農民人感懷至或增貲就賦或減年從役刺史行部獄無囚徒民各自以爲職不知所問唯咄詔書而去

案袁紀云平爲令掾長使掾吏卒五日一

采詔所餘日令各就農桑官閒事簡民人懷感盜賊屏息資賦增益爲諸邑最刺史太守行部獄無徒囚民各自以得職不知所問本此先是縣多虎爲害平

到修政遠進儒良黜貪殘視事三月虎皆渡

江而去

御覽二百六十七惠氏後漢書補注  
十引平爲全椒令至就農又引先是

好多虎至而去

### 趙孝

趙孝拜長樂衛尉復徵弟禮爲御史中丞禮亦恭謙行已類於孝帝嘉其兄弟篤行欲寵異之詔禮十日一就衛尉府大官送供具令共相對盡懽數年禮終帝令孝從官屬送喪歸葬後歲餘復以衛尉告歸

書鈔五十三姚本趙孝下有字

長平二字送喪歸葬下有天下榮之四字而無後歲餘至告歸九字案袁紀云天子素聞

其行詔拜爲諫議大夫長樂衛尉後復徵弟  
爲御史中丞禮亦以恭儉有禮讓上嘉孝兄  
弟篤行欲寵異之率常十日使禮至衛尉府  
太官供食令其相對盡歡其見優若此數年  
禮卒贈賻甚厚令孝以長樂衛尉從官屬送  
喪葬於家本此

後漢書趙孝傳孝父普王莽時爲田禾將  
軍任孝爲郎每告歸常白衣步擔嘗從長  
安還欲止郵亭孝旣至長不內因問曰聞  
田禾將軍子當從長安來何時至乎孝曰  
尋到矣於是遂去注華嶠書曰孝報云三  
日至矣



宋均

宋均爲郎中時年十五好經書每休沐日輒

受書博士通詩禮至二十餘調補辰陽長

書鈔

六十三姚本宋均下有字叔庠三字通詩禮下有善論難三字

均爲九江太守五日一聽事冬以日中夏以

平旦蝗飛南到九江界輒東西分時多暴虎

先是設檻捕之猶多傷害均下記曰夫虎豹

在山鬻鼯在淵物性所託故江淮之間有猛

獸猶江北之雞豚也數爲民害咎在貪殘今

退貪殄進忠良去檻穽虎遂東渡江去

見姚木案

書鈔七十五陳補引無蝗飛至東西分虎上無暴字無先是至傷害無下記二字物性下有之字咎在貪殘下作今退檻穽進忠良渡江下有去字袁宏紀亦載均爲九江太守事

永平七年宋均爲尙書令忠正直言數納策

謀未嘗不合上意

書鈔五十九惠氏後漢書補注十引忠正直言至末

郅暉

郅暉拜長沙太守崇教化表異行

書鈔七十

鄭衆

鄭衆爲大司農在位以清正稱其後受詔作

春秋剛十九篇

書鈔五十四

鄭衆爲左馮翊政有名迹建初六年代鄧彪爲大司農是時朝議欲改葬衆諫以爲不可詔數切責至被奏劾衆執之不移

書鈔五十四陳補

鄭衆使匈奴欲令衆拜不爲屈朝議復欲遣衆衆曰今往匈奴必恐取勝於臣臣不忍持

大漢節對氈裘跪拜明帝收繫廷尉獄

御覽五百

四十二案袁紀云上使越騎司馬鄭衆使匈奴單于欲令衆拜衆不爲之屈單于欲害服之衆拔刃以自誓單于恐乃止乃發使隨衆還漢朝議復使衆報之衆上言臣前使匈奴

與單于不和而今復往恐其必取勝於臣  
誠不忍持大漢節信對旃裘跪拜本此

### 馬防

馬防字江平行車騎將軍事位列九卿班同

三府與長水校尉耿恭同征盧水羌還帝親

駕幸其府

書鈔六十四原分兩條今合併爲一姚本字江平作字孝孫又注云

東觀作公平而東觀又有一修作字孝孫考華書故同此也今案書鈔引作江平同范書

### 劉般

後漢書劉般傳可申勅刺史二千石務令

實覈其有增加皆使與奪田同罪注華嶠

書曰奪作脫也

案曰字疑衍

任延

任延拜九真太守民以射獵爲業不知牛耕

民嘗言糴交阯每致困乏延乃令鑄作田器

教之墾闢田疇歲歲開廣百姓充足書鈔七十四

在延拜九真太守民俗不好田作常告糴交

阯每致困乏延乃令鑄作田器教民以牛耕

置吏巡行見姚本惠氏後漢書補注十七引教民以牛耕置吏巡行

馮

無豹字仲文爲尙書郎勤力不懈每從昏至  
明帝聞而嘉之乃加賞賜書鈔三十六姚本  
不報嘗伏省闕下十字

### 鄧彪

鄧彪字智伯爲太傅賜爵關內侯百官總已

以聽於彪恩寵之異莫與爲比焉御覽二百六案袁紀

此以彪爲太傅賜爵關內侯百官總已以聽本

鄧彪遭後母憂毀瘠過禮凶宗以身以光祿

大夫行服御覽二百四十三惠氏後漢書補注十一引彪遭後母憂二句

郭伋

郭伋拜潁川太守召見辭謁帝勞之曰賢能太守去帝城不遠河潤九里冀京師蒙福也

書鈔七十四

衛颯

衛颯遷桂陽太守下車修庠序之教設婚姻之禮葺年間邦俗從化

書鈔七十四陳補

何熙

魚字孟孫少有大志不拘小節身長八尺五

守體貌魁梧善爲容儀舉孝廉爲謁者贊拜  
殿中音動左右和帝佳之歷爲司隸校尉大  
司農永初二年南單于與烏桓俱反以熙行  
車騎將軍征之累有功烏桓請降單于復稱

臣會熙暴疾卒

三國魏志何夔傳注熙夔會祖父又書鈔六十二引何熙

字孟孫身長八尺五寸體貌瓌偉與人絕異和帝時拜謁者爲威容贊拜殿中音動左右帝偉之惠氏後漢書補注十二引體貌瓌偉

與人絕異

杜安

安擢爲宛令以病去章帝行過潁川安上書



召拜御史遷至巴郡太守而恢在家安與恢  
書通問恢告吏口謝且讓之曰爲宛令不合  
志病云可也干人主以闕覲非也違生平操  
故不熱安亦節士也年十三入太學號奇童  
洛陽令周紆自往候安安謝不見京師貴戚  
慕其行或遺之書安不發悉壁藏之及後捕  
案貴戚客安開壁書出印封如故後漢書樂  
恢傳注

孔

孔奮爲武都太守美行愛之如骨肉無義憎

之如仇讐

書鈔七十四

張奮

張奮為大司馬在位名為清白

書鈔五十一姚氏注云案

奮字通雅無神子永元中代劉方為司空未為司馬也又世祖時已改大司馬為太尉其司空司徒皆去大名此定誤耳

張堪

張堪為漁陽太守帝嘗召見諸郡計吏問其風土及所後守令能否蜀郡計吏樊顯進曰漁陽太守張堪昔在蜀其仁以惠下威能討

姦清廉無比上曰何以爲勅顯曰昔公孫述  
破時珍寶山積捲掘之物足富十世而堪去  
職之日采朽輟車布被囊而已帝聞良久歎  
息拜顯爲魚腹長方徵堪會病卒帝深悼惜  
之書鈔七十五陳補

徐防

安帝卽位太尉徐防以災異寇賊策免就國  
同三公以災免如自防也續文選四十六又御

薛苞

南薛苞字孟嘗父取後妻憎苞分之二山外  
夜號泣不能去被歐杖不得已廬於門外  
旦入灑掃進食父怒逐之又廬於里頭晨昏  
不廢積歲餘父母慙而還之御覽一百八十一  
案袁紀亦載  
此事本此

薛苞弟子求出苞不敢止乃中分其財奴婢  
引其老者曰與我共事久若不能使也田廬  
取其荒頓曰吾少時所治意所戀也器物取  
貝朽敗曰我服食已久身口所安也御覽五  
百十二

案表紀亦載此事本此

重此後漢書注

### 郭躬

郭躬字仲孫爲廷尉正遷廷尉家代掌法律  
躬自廷尉左監遷廷尉凡郭氏爲廷尉者七  
六初學記十二又藝文四十九引無字仲孫  
三字代作世法下無律字無鎮自己下九  
又書鈔五十二引同藝文鎮郭躬子

### 班固

固拜爲郎中使終成前所著書學者莫不誦  
誦自爲郎中遂見親近讀書禁中繼日連夜

每行巡狩輒獻上賦頌朝廷有大議使難問

公卿辯論於前賞賜恩寵甚渥然二世位不

過郎中

見姚本案袁宏紀云帝迺復使成前書至建初中其書迺成世甚重其書

學者靡不諷誦焉自爲郎後遂見親近賞賜優握章帝好文學逾益進幸數入讀書禁中或連日逮夜每行巡狩輒獻上賦頌朝廷時大議令固問難於前然位不過郎

班超

後漢書班超傳超與母隨至洛陽家貧常

爲傭傭書以供養久勞苦當輟業投筆歎

曰大丈夫無它志畧猶當效傅介子張騫

立功異域以取封侯安能久事筆研間乎

注續漢書作久弄筆研乎華嶠書作久事

筆耕乎

又書鈔一百一引班超投筆歎曰大丈夫安能久事筆研乎以筆耕

作筆研誤又藝文五十八引班超投筆歎曰大丈夫安能筆耕乎

又班超傳超既先至于寘廣德禮義甚疎

且其俗信巫巫言神怒何故欲向漢漢使

有駟馬急求取以祠我廣德乃使就超詩

馬注續漢及華嶠書駟字並作駟

又班超傳志說康居王借兵還據損中注

損中未詳東觀記作頓中續漢及華嶠書

並作損中

超使西域至鄯善有匈奴使來超夜奔虜營  
斬得匈奴節使屋賴帶副使比離支首及節  
見姚本案後漢書班超傳注引東觀記斬得  
匈奴節使屋賴帶副使比離支首及節也

廉范

廉范爲武原太守下車申明賞罰誅鋤姦猾

表用良吏 書鈔七十五

廉范遷蜀郡太守生子皆以廉爲名 書鈔七十五

民國甲戌 華僑爰莫誓主

三五江都朱氏



賈逵

賈逵字景伯瞻才能通今古時有神爵集宮殿上召見勅蘭臺給筆札作神爵頌除蘭臺令史

書鈔六十一

桓焉

桓焉明經篤行有名稱以尙書授安帝拜太傅錄尙書復入授順帝於禁中因宴見奏宜引三公尙書入省事天子從之

書鈔五十九

焉長子衡早卒中子順順子典

後漢書桓焉傳注

袁安

安字邵公好學有威重明帝時爲楚郡太守  
治楚王獄所申理者四百餘家皆蒙全濟安  
遂爲名臣章帝時至司徒生蜀郡太守京京  
弟敞爲司空京子陽太尉陽四子長子平平  
弟成左郎中將並早卒成弟逢逢弟隗皆爲  
三公三國魏志袁紹傳注惠氏後漢書補注  
十一引陽四子至並早卒案陽子逢字  
周陽逢弟隗字次陽若父名陽何得其子並  
以陽爲字當從范書作湯袁宏紀亦云京子  
湯湯字仲和可据

論曰陳平多陰謀而知其後必廢邴吉有陰德夏后勝識其當封及子孫終陳掌不侯而邴昌紹國雖有不類未可致詰其大致歸然矣袁公竇氏之間乃情帝室引義雅正可謂王臣之烈及其理楚獄未嘗鞫人於臧罪其仁心足以覃乎後昆子孫之盛不亦宜乎

後漢書袁安傳論注此論並華嶠之辭也

慶鴻

洛陽慶鴻慷慨好義廉范與爲刎頸之交時

人稱曰前有管鮑後有慶廉御覽四百十案  
袁紀云范與洛

陽亭長慶鴻爲刎頭之交時人稱曰前有管鮑後有慶廉本此

### 周燮

周燮專精禮易不讀非聖之書不修賀問之  
好有先人草廬結於岡畔下有陂田常肆力

自勤以給非身所耕漁則不食

御覽八百一十一  
又藝文

六十五引常肆力句作常肆勤以自給不食  
上無則字

### 兒寬

兒寬爲南陽太守平心舉善每自刻責吏

愛敬不敢欺負

書鈔七十五

任浦

任浦拜武都太守路不拾遺

書鈔七十五

岑熙

岑熙爲東郡太守招聘隱逸與參政事無爲  
而化視事二年與人歌之曰我有枳棘岑君  
伐之我有蝥賊岑君遏之狗吠不驚足下生  
鼈含哺鼓腹焉知凶災我喜我生獨丁斯時

美矣岑君於戲仁慈

書鈔七十六陳補又三十五引岑熙爲東郡太守

苦狗吠不驚

何敞

何敞爲汝南太守修治銅陽舊陂溉田萬頃

墾田三萬餘畝賴其利立石頌敞功德

見姚本

劉愷

劉愷爲太常論議常引正大義諸儒爲之品

曰難經伉伉劉太常

書鈔五十三又藝文四十九引又御覽二百二

十八引惠氏後漢書補注十引諸儒爲之

陽球

陽球補尚書郎閑達故事其所奏議常爲臺閣所崇信

書鈔六十

鮑德

鮑德爲南陽太守時歲多荒災唯南陽豐稔吏人愛悅號爲神父

書鈔七十五

劉寵

劉寵字祖榮拜會稽太守政不煩苛徵爲將作大匠山陰有五六老叟人贖百錢送寵曰鄙生未當識郡朝自明府以來狗不夜吠人

不見吏今聞當見弃去故自扶奉送寵爲人

選一大錢受之

初學記二十七又藝文四十九引劉寵拜會稽太守除省

煩苛徵爲將作

大匠有老叟五六人人齋一

百錢送寵寵爲人受

一文大錢又書鈔三十

九引劉寵拜會稽太守

省除煩苛又文選任

彥升齊竟陵文宣王

行狀注引劉寵拜會稽

太守徵爲將作大匠

山陰有五六老叟自苦

邪山谷山送寵曰聞

當見棄故自扶來送案

此條胡氏克家刊文

選本誤作范氏後漢書

今據六臣注文選明

刊本案袁紀亦載此事

宋登

宋登爲汝陰令爲政明能號稱神父出爲

川太守市無二價道不拾遺

藝文六十五



黃瓊

黃瓊遷尚書令習見故事號爲補職

書鈔五十九

黃瓊字世英爲僕射順帝久廢藉田瓊曰上古聖帝莫不敬恭神明躬郊廟之禮親藉田之勤書奏上從之次日還遷令也

見姚本家袁紀有黃

瓊上疏曰臣聞古之帝王莫不敬恭神明躬勞農事心躬郊廟之禮親藉田之勤上從之云云語多不全載

班始

班始尚陰城公主公主順帝之姑貴驕淫亂

與所嬖居帷中而始入使伏林下

御覽七百

### 劉永國

劉永國字叔儒爲東城令民聞其名枉者更直濁者強清肅然無事唯以著作爲務

御覽二百

六十七

### 周規

周規除臨湘令長沙太守程徐二月行縣勅諸縣治道規以方春向農民多劇務不欲奪人良時徐出督郵規卽委官而去徐撫然有

魏色遣功曹賈印綬檄書謝請還規謂功曹  
曰程府君愛馬蹄不重民力徑逝不顧御覽  
二百六十六

袁良

袁良明經爲太子舍人

書鈔六十六

楊震

楊震字伯起年五十始應州郡衆人謂之晚  
暮後有鶴雀銜三鱸魚飛集講堂門人取魚  
進曰魃魚者卿大夫之服象也數三者法三

臺地先生自此升矣

御覽九百二十五

楊震爲太尉中常侍樊豐驕恣震常切諫由是共譴罷遣歸本郡遂仰鳩薨葬曰有大鳥來止於樹上須臾下地行徐步到柩前正立低頭淚出更共抱持終不驚駭

初學記十四

楊震策罷遣歸本郡遂仰鳩薨薨日有大鳥來止樹上須臾下地安行到柩前正立低頭旁人共更撫抱終不驚駭鳥蒼色頸去地五六尺舒翅廣一丈三尺莫有能名者葬畢飛

去覽五百五十四案哀紀云改葬之日有鳥翼廣一丈三尺集於柩前低頭淚出

當時人立石鳥像於震前

藝文九十

吳雄

河南吳雄字季高以明法律桓帝時自廷尉致位司徒雄少時家貧母死葬人所不封之地喪事趨辦不卜時日巫皆言其族滅而雄

子祈孫恭三世爲廷尉以法爲名家

初學記

藝文四十九引無字季高三字無雄少時至族滅二十八字祈作訢又書鈔五十三引

胡廣雄以明法律斷獄平順帝時為廷尉  
斷獄平順色句帝上脫桓字又引吳雄子  
請孫公三世相承為廷尉以法為名家公也  
當作恭

### 胡廣

胡伯始為太尉年八十四練達事體明解  
章雖無謬直之風屢有補闕之益故京師  
曰萬事不理問伯始天下中庸有胡公

書  
五十一

### 張楷

張楷字公超家貧無以為業常乘驢車至

九百八十四

宮

梁

梁冀妻壽色美而喜爲妖態作愁眉

墮馬鬃賦步齟齒笑以爲媚惑御覽三

文十八而喜爲妖態五字作上有能字  
袁紀云甚美而善爲妖惑本此

梁冀愛三妃秦宮官至太倉令得入妻壽所

壽見宮請御者以言事因通焉宮威權大

二千百皆拜謁之藝文三十五案袁紀云

出每往來屏御者而私語

百寮刺史二千石皆謁辭

韓演

梁皇后崩梁貴人大幸將立大將軍冀欲分

其寵謀旨姓爲貴人父演陰許諾及冀誅事

發演坐抵罪

後漢書韓稜傳注演韓稜孫姚本梁貴人作韓貴人案此桓帝

鄧皇后鄧香之女改嫁梁紀冒姓梁氏兄鄧演爲南頓侯冀既伏誅封演子康北陽侯賞賜巨萬封平梁冀之功見袁宏紀則梁冀欲謀爲貴人父當與貴人兄鄧演合計何以與韓演謀而演陰許諾乎范書明云梁冀被誅韓演坐阿黨抵罪以滅死論亦不云有陰許諾事今以演字相同張冠李戴華書所云顯有不實案鄧演與誅梁冀亦斷無陰許諾事

衛羽



衛羽爲州從事時常侍單超兄子匡爲濟陰太守負其勢大爲貪放刺史第五種欲收之聞羽素抗厲乃召羽謂曰聞公不畏強禦今欲相委重事若何對曰願庶幾於一割羽出遂馳至定陶閉城門收匡賓客親吏四十餘人七日中起發其贓五六十萬種卽奉舉一州震慄

御覽二百六十五又書鈔七十三陳補引

### 李膺

李膺字元禮遷僕射與太傅陳蕃戮力悉心

彌縫遺闕

書鈔五十九

馬融

馬融字季長爲大將軍鄧騭舍人

御覽二百

袁紀云融少篤學多所通覽大將軍聞其才學召爲舍人本此

陳寔

陳寔居鄉閭平心率物有盜夜入其家止於梁上寔陰見之乃自整拂命子孫正色訓之曰夫人不可不自勉不善之人未必本惡習與性成耳如梁上君子者是矣盜大驚自投

於地寔徐譬之曰視君狀貌不似惡人然當

由貧困今遺絹二疋自是縣無復盜竊藝文

五又御覽入百十七引家作室無陰見之乃

自整拂七字子孫下無正色二字曰下無夫

人不善君子下無者字是矣作是也驚上無大

字不似惡人下有宜深克已反善六字貧下

無困字縣上有一字

桓典

典十二喪父母事叔母如事親立廉操不取

於人門生故吏問遺一無所受後漢書桓典傳注

後漢書桓典傳在御史七年不調注華嶠

書作十年

遷平津都尉鉤盾令羽林中郎將

後漢書桓典傳注

桓麟

鄧生麟

後漢書桓彬傳注案彬字彥杕桓焉之兄孫也父麟

崔琦

梁冀聞崔琦才請與交冀行多不軌琦數誡之不能受琦以言不從失意爲白鵠賦冀知

刺已大怒幽之室谷數月得出後竟殺之

御覽

六百四十七又藝文九十引崔琦作鵠賦諷梁冀冀幽殺之惠氏後漢書補注十八引冀

知刺已至得出

華嶠後漢書注

### 孔嵩

范式爲荊州刺史友人南陽孔嵩家貧親老  
乃變名姓傭爲新野河里街卒式行部到新  
野而縣選嵩爲導騶迎式式見而識之呼嵩  
把臂曰子非孔仲山耶對之歎息語及平生  
曰共與俱曳長裾遊集帝學吾蒙國恩致位  
牧伯而子懷道隱身處於卒伍不亦惜乎嵩  
曰昔侯嬴長守於賤業晨門肆志於抱關子

居九夷不患其陋貧者士之宜豈爲鄙哉式

勅縣代嵩以爲先備未竟不肯去

御覽四百八十卷

八百二十九引河里作阿里把臂下有謂子  
二字非上無子字共與作昔與子牧伯作州  
伯惜乎下無嵩曰二字

### 蔡孟喜

蔡孟喜汝南頓人以禮化鄉里鄉里有爭訟  
者輒詣喜決之其所平處皆曰無怨

御覽四百二十

### 張濟

蕃生磐磐生濟濟字元江靈帝初楊賜薦濟

明習典訓爲侍講

後漢書張謏傳注濟醜曾孫

袁逢

熹

原誤作熙

平中天子引袁逢爲三老賜玉杖

御覽

五百三十五又七百一八百四兩引嘉平中袁逢爲三老賜王杖嘉是熹字之誤又事類賦杖引喜平中袁逢爲三老錫王杖案喜與熹通姚本注云嘉平應作中平誤据惠氏後漢書補注十一引作熹平中

王甫

後漢書陳敬羨王傳是時新誅勃海王悺

靈帝不忍復加法詔檻車傳送愔詣北寺  
詔獄使中常侍王醜與尙中令侍御史雜  
考注華嶠書及宦者傳諸本並作甫此云  
醜未詳孰是愔謂魏愔陳愔上寵相

### 范滂

范滂以黨事下黃門北寺滂以同囚多嬰病  
乃請先就格遂與同郡袁忠等爭受楚毒初  
記二十

### 趙壹



趙壹字元淑漢陽人體貌魁梧身長八尺美

鬚肩望之甚偉

御覽三百三十七姚本漢陽下有西縣二字

趙壹字元淑恃才倨傲爲鄉里所擯

御覽四百九十

八姚本所擯下有後屢抵罪幾至死友人救得免乃作刺世疾邪賦以舒其怨憤二十四字

趙壹

原作一  
下同

造河南尹羊陟不得見壹以公

卿中非陟無足與託名日往其門尋陟自強  
通陟臥未起壹徑上堂臨之曰竊伏西州抱  
高風舊矣乃今方遇而便忽然奈何命也因

舉聲哭堂下大驚陟延與語大奇之明往詣  
壹柴車草屏露宿其傍左右皆驚愕御覽四  
百八十七

來豔

豔好學下士開館養徒衆少厯顯位靈帝時  
位至司空三國蜀志來敏傳注豔來敏父

張英

張英遷武威太守平均徭賦勤課農桑書鈔  
七十

四

張英遷武威太守遇長吏如兄弟委以任之  
見姚本又注云案范書闕張奐曾守武威英  
奐字仿當是誤耳

曹嵩

曹嵩靈帝時賂中官及輸西園錢一億萬故

位至太尉

御覽六百四十一惠氏後漢書補  
注四引嵩時賂中官至末

崔駟

崔駟字亭伯辟大將軍竇憲府掾憲新輔改  
貴重掾三十人皆故刺史二千石唯駟以處  
士年少擢在其間憲擅權驕恣駟數諫之出

爲長岑長不得意不之官而歸

御覽二百四十八

駟譏楊雄以爲范蔡鄒衍之徒乘譽相傾詭  
曜諸侯者也而云彼我異時又曰竊貴卓氏  
割炙細君蓋士之贅行而云不能與此數公  
者同以爲失類而改之也

後漢書崔駟傳注姚本駟字下有擬

楊雄解嘲因作達旨九字

後漢書崔駟傳駟擬楊雄解嘲作達旨以  
答焉其辭曰蓋高樹靡陰獨木不林隨時  
之宜道貴從凡注華嶠書作高樹不庇

又云叫呼衍驚縣旌自表非隨和之寶也  
暴智燿世因以干祿非仲尼之道也注華  
嶠書曰因字作回回邪也

日字衍

回邪也三字是李賢語疑書曰

崔瑗

瑗愛士好賓客盛修肴膳或言其太奢瑗聞  
之怒敕妻子曰吾並日而食以供賓客而反  
以獲譏士大夫不足養如此後勿過茶具無  
爲諸子所蚩終不能改奉祿盡於賓饗也

後漢

書崔琰傳注又書鈔三十五引崔作噍

### 崔寔

崔寔爲五原太守地宜麻枲而民不知種植又不能緝績率無衣被冬月止種細草臥其中吏以草衣其身乃得出寔至教之績織御覽九百九十五

### 皇甫嵩

皇甫嵩字義真拜車騎將軍領冀州牧嵩溫郵士卒甚得衆情每行軍頓止須營幔修立

民國甲戌

華僑愛莫書主

四十一江都朱氏

然後就舍軍士皆食爾乃嘗飯嵩旣破黃巾

威震天下

書鈔六十四案袁紀亦有旣破黃巾威震天下二語

### 趙岐

趙岐先自爲壽藏圖季札子產晏嬰叔向居賓位又自畫其像居士位皆爲讚頌

書鈔九十四

### 蔡邕

初蔡邕在陳畱鄰人有以酒食召邕者比往而酒以酣客有彈琴於屏者邕至門潛聽之曰以樂召我而有殺心何也遂反將命者告

主人以蔡君至門而去邕素爲邦鄉所宗主  
人遂自追問其故邕具以告莫不憮然彈琴  
者曰我向見螳螂方向鳴蟬蟬將去而未飛  
螳螂爲之一前一卻吾心聳然唯恐螳螂之  
失蟬也此豈爲殺心而形於聲者乎邕笑曰

此足以當之矣

藝文四十四又書鈔一百九  
引將命者告主人下卽接主

人遂自追問至末又藝文九十七引酒以酣  
作酒已酣焉無於屏二字潛聽之曰下有噀  
字將命者告下卽接主人遠自追而問其故  
我向下有鼓弦二字蟬將去下無而未飛三  
字吾心下無聳然二字無未矣字又御覽九  
百四十六引比往作比至酒以酣作酒



曆聽之曰下有嘻字以蔡君至門而去  
蔡君向來至門而去我向下有鼓弦一之  
失蟬也作失之也餘並同

### 楊彪

與馬日磾盧植蔡邕等著作東觀  
彪後漢書

後漢書楊彪傳光和中黃門舍王事

生於郡界辜權財物七十餘萬彪

注華嶠書曰甫使門生王翹辜權

### 帝紀

卓欲遷都長安召公卿以下大議司徒

曰昔盤庚五遷殷民胥怨故作三篇以曉  
下之民而海內安穩無故移都恐百姓動  
蕩沸蟻聚爲亂卓曰關中肥饒故秦並六  
國今徙西京設令關東豪彊敢有動者以我  
彊兵蹙之可使詣滄海彪曰海內動之甚易  
安之甚難又長安宮室壞敗不可卒復十曰  
武帝時居杜陵南山下有成瓦窰數千處引  
涼州材木東下以作宮室爲功不難卓意不  
得便作色曰公欲沮我計邪邊章韓約書

來欲令朝廷必徙都若大兵來下我不能復  
相救公便可與袁氏西行彪曰西方自彰道  
徑也願未知天下何如耳議罷卓敕司隸校  
尉宦璠以災異劾奏因策免彪三國魏志董  
卓傳注 汜饗公卿議欲攻催楊彪曰羣臣共鬪一人  
劫天子一人質公卿此可行乎汜怒欲手刃  
之中郎將楊密及左右多諫汜乃歸之三國  
魏志

董卓傳注

董卓

王允與呂布及士孫瑞謀誅董卓有書  
字於布上負而於市歌曰布乎布乎布告卓  
不悟三年四月帝疾愈卓入朝布持矛刺卓  
兵士趣斬之藝文八十五又御覽八百二十一  
引至卓不悟謀下無誅字書呂  
字作書回字於市上有行字去卓下行者字

### 王允

夫士以正立以謀濟以義成若王允之推董  
卓而分其權伺其間而弊其罪當此之時天  
下之難解矣本之皆主於忠義也故推卓不

爲失正分權不爲不義何問不爲狂詐

謀濟義成而歸於正也

三國志董卓傳注案此當是士允傳論

### 應瑒

劭弟瑒字季瑜司空掾瑒

後漢書應劭傳注

瑒祖奉字世叔才敏善記誦故世稱應世叔

讀書五行俱下著後序十餘篇爲世儒者延

熹中至司隸校尉瑒字世叔亦博學多識

尤好事諸所撰述風俗通等凡百餘篇辭雖

不典世服其博聞

三國魏志王粲傳注惠氏後漢書補注十二引著後

崔鈞

崔鈞爲西河太守與袁紹起兵董卓收鈞父  
烈下之郿獄銀鐺卓誅烈得歸長安

御覽六百四十四

華歆

歆少以高行顯名避西京之亂與同志鄭泰  
等六七人間步出武關道遇一丈夫獨行願  
得與俱皆哀欲許之歆獨曰不可今已在危

險之中禍福患害義猶一也無故受人不知其義既以受之若有進退可中棄乎衆不忍卒與俱行此丈夫中道墮井皆欲棄之歆曰已與俱矣棄之不義相率其還出之而後別去衆乃大義之

三國魏志華歆傳注引華嶠譜敘又世說新語德行篇引

華嶠譜敘歆爲下邳令漢室方亂乃與同宗上鄭太等六七人避世自武關出已下並同引至而後別無故受人作今無故受之

孫策略有揚州盛兵狗豫章一郡大恐官屬請出郊迎歆曰無然策稍進復白發兵又不

蘇及策至一府皆進閣請出避之乃笑曰今  
將自來何遽避之有頃門下白曰孫將軍至  
策見乃前與歆共坐談議良久夜乃別去義  
州之皆長歎息而心自服也策遂親執弟  
一禮禮爲上賓是時四方賢士大夫避地  
江者甚衆皆出其下人人望風每策大會  
坐莫敢先發言歆時起更衣則論議謹謹  
歆劇飲至石餘不亂衆人微察常以其整  
衣冠爲異江南號之曰華獨坐

三國魏志華  
歆傳注引華



華嶠傳

文帝受禪朝臣三公已下並受爵位歆以形色忤時徙爲司徒而不進爵魏文帝久不懌以問尙書令陳羣曰我應天受禪百辟羣后莫不人人悅喜形於聲色而相國及公獨有不怡者何也羣起離席長跪曰臣與相國會臣漢朝心雖悅喜義形於色亦懼陛下實應且惟帝大悅遂重異之

三國魏志華歆傳注引華嶠傳敘又世說

新語方五篇引文帝受禪作魏受禪百辟下無羣后二字莫不下無人二字何也作何

和旨臣作首事義形於色作義干其色且怡  
作見捨帝大悅下有歎息良久四字

歆淡於財欲前後寵賜諸公莫及然終不殖  
產業陳羣常歎曰若華公可謂通而不濫清  
而不介者矣三國魏志華歆傳注引華儵譜

### 羣表

歆有三子表字偉容年二十餘爲散騎侍郎  
時同僚諸郎共平尚書事年少並兼厲鋒氣  
要君名譽尚書事至或有不便故遺漏不視  
及傳書者去卽入深文論駁惟表不然事來

有不便輒與尚書共論盡其意主者固執不  
得已然後共奏議司空陳泰等以此稱之仕  
晉歷太子少傅太常稱疾致仕拜光祿大夫  
性清淡常慮天下退理句有脫誤司徒李膺司隸

王密等常稱曰若此人者不可得而貴不可

得而賤不可得而疎中子博歷三縣內史治

有迹跡少子周黃門侍郎常山太守博學有

文思年遇疾卒於家表有三子長子廙字

文獻

二國魏志華歆傳注引華嶠譜敘又後漢書宗傳注引華嶠譜敘表字偉容

歆之子也年二十餘爲散騎常侍

### 南單于

南單于遣使詣闕奉蕃稱臣入居於雲中遣使上書獻駱駝二頭文馬十疋

藝文九十四又御覽九百

一引至獻駱駝

### 哀牢夷

哀牢夷知染綵紬布織成文章如綾錦有梧桐華績以爲布幅廣五尺潔白不受垢汚先以覆亡人然後服之

御覽八百二十

民國甲戌

華僑多莫書主

四七江都朱氏

執金吾

執金吾掌從領宿衛 書鈔五十三

散騎

散騎以從容侍從承答顧問爲職又掌贊詔命平處文籍故前世多參用言語文學之士

藝文四十八引華嶠集又引見書鈔五十八姚氏謂執金吾一條是官志故以類附之

東觀

學者稱東觀爲老氏藏書室道家蓬萊山

書鈔

一百一又御覽二百三十三引又文選王元長三月三日曲水詩敘注引無書字山字姚

本藏索隱山下有謹案史記老子周守藏室之史也索隱曰藏室史乃周藏書室之史也又張湯傳老子爲柱下史卽藏室之柱下因以爲官名四十八字又注云案東觀二語見范書竇章傳華書疑卽同之謹案以下係注或非華書本文俟攷案小司馬索隱遠在華嶠後華氏後漢書何得引及索隱云云此亦不俟攷而知其非杏姚氏以爲是注亦非案從前未聞有爲華氏後漢書作注者不知謹案以下乃書鈔陳禹謨補案之語又案陳刊書鈔凡例有云謹案者係原注稱案者係補注附注今檢書鈔一百一此條引華書後空一字但云案史記云云其非原注可知今添一謹字以爲是注失之

### 論明章二帝

魏文帝稱明帝察察章帝長者

見姚本又注云案范書論

民國甲戌

華嶠後集卷主

吳江都朱氏

章帝亦用此二語

三國志卷之三

補刊

論二十八將

中興二十八將前世以爲上應二十八宿未  
之詳也然咸能感會風雲奮其智勇稱爲佐  
命亦各志能之士也

後漢書列傳十二論注  
已上皆華嶠之辭

論鮑永馮衍

夫貴者負勢而驕人才士負能而遺行其大  
略然也二子不其然乎馮衍之引託妻之譬  
得矣夫納妻皆知取畱己者而取士則不能

何也豈非反妒情易而恕義情難光武雖得  
之於鮑豕猶失之於馮衍後漢書馮衍傳論  
注自此以上皆華  
嶠之詞

論班彪班固

司馬遷班固父子其言史官載籍之作大義  
粲然著矣議者咸稱二子有良史之才遷文  
直而事覈固文瞻而事詳若固之序事不激  
詭不抑抗瞻而不穢詳而有體使讀之者聲  
響而不厭信哉其能成名也彪固譏遷以爲



是非頗謬於聖人然其論議常排死節否正  
直而不敘殺身成人之義則輕仁義賤守節  
愈矣固傷遷博物洽聞不能以智免極刑然  
亦身陷大戮

後漢書班彪班固傳論注此已上略華嶠之辭

### 楊氏袁氏

東京楊氏袁氏累世宰相爲漢名族然袁氏  
車馬衣服極爲奢僭能守家風爲世所貴

及楊氏也

後漢書楊修傳注此當是楊氏

### 孝義列傳序

孔子曰夫孝莫大於嚴父嚴父莫大於配天則周公其人也子路曰傷哉貧也生無以養死無以葬子曰啜菽飲水孝也夫鐘鼓非樂云之本而器不可去三牲非致孝之主而養不可廢存器而亡本樂之遁也調器以和聲樂之成也崇養以傷行孝之累也修己以致祿養之大也故言能大養則周公之祀致四海之祭言以義養則仲由之菽甘於東鄰之牲夫患水菽之薄干祿以求養者是以恥祿

親也存誠以盡行孝積而祿厚者此能以義  
養也中興廬江毛義少節家貧以孝行稱南  
陽人張奉慕其名往候之坐定而府檄適至  
以義守令義奉檄而入喜動顏色奉者志尙  
士心賤之自恨來固辭而去及義母死去官  
行服數辟公府爲縣令進退必以禮後舉賢  
良公車徵遂不至張奉歎曰賢者固不可測  
往日之喜迺爲親屈也斯蓋所謂家貧親老  
不擇官而仕者也建初中章帝下詔褒寵義

賜穀千斛常以八月長吏問起居加賜羊酒  
壽終於家安帝時汝南薛包孟常好學篤行  
喪母以至孝聞及父娶後妻而憎包分出之  
包日夜號泣不能去至被毆杖不得已廬於  
舍外旦入而灑掃父怒又逐之迺廬於里門  
昏晨不廢積歲餘父母慙而還之後行六年  
服喪過乎哀旣而弟子求分財異居包不能  
止迺中分其財奴婢引其老者曰與我共事  
久若不能使也田廬取其荒頓者曰吾少時

所理意所戀也器物取朽敗者曰我素所服  
食身口所安也弟子數破其產輒復賑給建  
光中公車特徵至拜侍中包性恬虛稱疾不  
起以死自乞有詔賜告歸加禮如毛義年八  
十餘以壽終若二子者推至誠以爲行行信  
於心而感於人以成名受祿致禮斯可謂能  
以孝養也若夫江革劉般數公者之義行猶  
斯志也撰其行事著於篇

後漢書劉趙淳于  
江劉周趙列傳序

注自此以上並嶠之詞也惠氏後漢書補注  
十於此能以義養也下補注云華嶠書下又

云孔子稱孝哉閔子騫人不聞於其父母昆  
弟之言言其孝皆合於道莫可復間也先代  
石氏父子稱孝子慶相齊人慕其言而治此  
殆所謂孝于惟孝友于兄弟施於有政是亦  
爲政也

### 補遺

總覽威柄 書鈔十五

丁白爲武猛校尉

文選王元長三月三日曲水詩序注

竇攸篤學退居舉孝廉爲郎世祖會百寮於  
靈臺得鼠如豹文問羣臣攸曰鼯鼠詔曰何  
以知曰見爾雅詔書如攸言賜帛三百敕諸

王子從攸受爾雅

御覽二百十五

范遷爲司徒在公輔有宅數畝田不過一頃  
推與兄子

御覽八百二十一

華嶠曰孔子稱孝莫大於嚴父嚴父莫大於  
配天則周公其人也子路曰傷哉貧也生無  
以養死無以葬子曰啜菽飲水孝也鐘鼓非  
樂云之本而器不可去三牲非孝養之主而  
養不可廢夫務器而忘本樂之過也崇養以  
傷行養之累也故定以道養周公之禮致四

海之祭定以義養則仲由之粥無驕慢之性  
夫患啜菽粥之麤干祿以求養是以親親也  
孜孜於致孝孝成而祿厚者此能以義養也  
孔子稱孝哉閔子騫人不問於其父母兄弟  
之言言其孝皆合於道莫可復問也先代石  
氏父子稱孝子慶相齊人慕其孝而治此殆  
所謂孝乎惟孝友于兄弟施於有政是亦爲  
政也若二子者推至誠以爲行行信於心而  
感於人以成名受祿可謂能孝養也

袁宏後漢孝章



皇帝紀於類序毛義薛苞後引華嶠曰案後漢書所錄無孔子稱孝哉至是亦爲政也其中語句亦少有異同故並錄之又惠氏後漢書補注十亦引華嶠書孔子稱孝哉閔子騫云云

華嶠曰論語稱夫子溫良恭儉讓以得之行

首乎故

四字有脫誤

當請論之孔子曰太伯其可

謂至德也已矣三以天下讓民無德而稱焉

孟子曰聞伯夷之風者貪夫廉懦夫有立志

然則太伯出於不苟得未始有於讓也是以

太伯稱賢人後之人慕而徇之夫有徇則激

詭生而取與妄矣故夫鄧彪劉愷讓其弟以  
取義使弟非服而已享其名其於義不亦薄  
乎又況乎干有國之紀而使將來者妄舉措  
哉古之君子非將以啟天下之方立行非獨  
善其身將以訓乎哉原丁鴻之心其本主於  
忠愛何其終悟而從義也以此殆知其徇尚  
異於數世也袁宏後漢孝和皇帝紀引於敘  
錄丁鴻事據此則華書必有丁  
鴻傳今僅有榮弟子丁鴻學最高一語見於  
後漢書桓榮傳注

華嶠曰漢之十葉王莽篡位聞道術之士西

門君惠李守等多稱讖云劉秀爲天子自光武爲布衣時數言此及後終爲天子故甚信其書鄭興以忤意見疎桓譚以遠斥憂死及明章二帝祖述此意故後世爭爲圖緯之學以矯世取資是以通儒賈逵馬融張衡朱穆崔寔荀爽之徒忿其若此奏皆以爲虛妄不經宜悉收藏之惟斯事深奧善言古者必有驗於今善言天者必有驗於入而託云天之厯數陰陽占候今所宜急也占候術數能仰

備察參諸人事禍福吉凶既應引之教義

有者著明此蓋道術之有益於後世爲後人

功尚也

袁宏後漢順帝紀引於郎顛上書之後疑華氏郎顛傳後論也

平嶠曰臣父表

原誤作袁

每言臣祖歆云當時人

以皇甫嵩爲不伐故汝豫之戰歸功於朱雋

張角之捷本之於盧植蓋功名者士之所宜

至誠能不爭天下莫之與爭則怨禍不深矣

袁宏後漢獻帝紀於敘皇甫嵩下引姚本後

失書補逸錄於華表名次云嶠父表字偉容

取之子也年二十餘爲散騎當侍後終光祿

大夫每言吾祖稱時人說皇甫嵩之不伐也

華嶠後漢書注

五

以之戰歸功朱雋張角之捷本之於盧植收  
口斂策而已不有焉蓋功名者世之所甚重  
也誠能不爭天下之所甚重則怨禍不深矣  
系自常侍已上見後漢書朱雋傳注引華嶠  
謂敘後半與袁亦少有異同不知何本